

書名 [宋丞相李忠定公奏議六十九卷]附錄九卷
 正德十一年跋刊本 (卷第十二至第二十二第三十二至第四十)鈔本
 撰者 宋 李綱 撰, 明 朱欽 輯併校
 卷 卷尾
 內容分類 史-詔令奏議-奏議-宋
 索書號 大木-總類-奏議-別集-9
 編號 B1913500

卷尾



[彩色首頁1](#)

宋丞相李忠定公奏議附錄卷之一
 後學 同郡畏 庵 朱欽 景校
 文林郎邵武縣知縣 泰和蕭洋 繡梓
 邵武縣儒學署教諭 事嚴陵 洪鼎 校正
 靖康傳信錄序
 二日差充行營司叅謀官 四日除尚書右丞充
 充親征行營使 二月三日以姚平仲事罷職
 伏闕復舊職 改充都大提舉京城四壁守禦
 除知樞密院事 六月差充河北河東路宣撫
 使 七月出師 次懷州 八月召赴闕議事 九月還次封丘 除

東洋文化研究所漢籍目錄 編號: B1913500
 東洋文化研究所漢籍目錄所藏漢籍善本全文影像資料庫 索書號:
 大木-總類-奏議-別集-9
 漢籍善本全文影像資料庫文本 [宋丞相李忠定公奏議六十九卷]
 附錄九卷 正德十一年跋刊本 (卷第十二至第二十二第
 三十二至第四十)鈔本
 版權所有: 東京大學 東洋文化研究所
 使用上の注意事項



以命爾之意

將作監

王者體國凡宮室門閭高下廣狹之制皆有法式掌于有司大匠之職寔總營造厥任甚重必惟其人具官其資識詳明材術膚敏揚歷寔久風績著聞蔽自朕心擢總監事夫國有六職百工居一焉矧於曲藝巧者精之往若子工使盡其巧而依於法是為稱職嗣有寵褒

邵武縣縣丞吳興陸讓同刊

御 著 李軒同校

宋丞相李忠定公奏議附錄卷之九畢

李忠定公祠堂祭田記

附

宋丞相忠定李公柄國于南渡之初然得行其志之日少矣至今天下誦其功服其正者何也義利明而三綱立也春秋之義莫大於華夷之防而况君父之讐乎莫嚴於君臣之分而况僭逆之賊乎公在當時論國是必曰復讐論修政必曰誅僭逆此恢復第一義也視諸葛武侯明漢賊不兩立王業不偏安之心豈異哉夫三綱者萬世公共之大經非一時一人之私也公適身任其責主張維持惟恐或墜此天下後世所以不忘乎公也歟正德乙亥巡按御史張君景暘拜謁祠下顧灑掃之

弗謹以贖金若干命邵武知縣蕭泮致飾焉已而泮請於守葛君浩曰古有圭田示有專敬卿大夫家且然况公為一郡之通祀乎而俎豆之實取具臨時非所以虔事也盍轉請以餘金置祭田于祠葛君聽其言各益以已俸適張君以憂去未果行御史胡君文靜繼至遂主其議復相與規措買田五十畝付公之孫太學生紹芳郡學生廷瑞掌之歲計其入為有司之常祭其贏也則以為子孫之常祭非敢瀆也廣魏觀之義也洪惟

國朝

列聖相承表公之忠以風示天下而群臣將順

休德有加無已既有祠矣復請祭既有祭矣復置田志同謀協如出一人蓋禮惡其不備也不必已享事貴其有勸也不必已功君子崇祀之心如是而已以是心而施於政公豈有弗享者哉於乎後之欲象忠者視斯祠欲敬教者視斯祭時

正德丙子秋八月吉旦

賜進士出身前翰林院

國史編修泰和王恩撰

邵武縣知縣泰和蕭泮立石

李忠定公祠堂祭田記附

跋李忠定公奏議後

文靜頃讀陳少陽上宋欽宗書嘗三
復其辭而哀之其稱社稷之主之臣
之賊豈不韙哉丞相隴西公自爲起
居郎首抗大議迨稍柄用身繫國命
忠烈之槩揭翼天日當時衣冠之衽

未遽左犬羊之群未遽逞非公孰為
之然遭溺壬狡若反覆手世且依依
然冀一試其畧以報九廟之靈而雪
二聖之耻卒之大事既去而身享純
臣之名雖然豈公初志哉或曰宋造
餘二百年三更狄難寇范諸賢能收

景德康定之績而靖康建炎紹興之
際公暨宗忠簡岳武穆張忠獻固濟
否之才反正之會也顧屈策焉何邪
易叙開國承家戒用人焉後有弔宋
墟者知非士之罪也夫文靜幸遊公
之鄉而拜于祠下歸常祭之田五十

畝搜掇遺文凡若干卷命伐梓行之
欽明德爾或曰可以勸已殆非所敢
專

正德十一年丙子十月望日奉

命巡按福建監察御史山陰胡文靜

頓首謹跋

宋丞相李忠定公奏議後序

自古扶傾已亂亦得剛貞忠亮之臣無
足以弘濟艱難而奠安國勢夫翊贊太
平易爲功而遏絕酷亂難乎爲力魏鄭
公曰願爲良臣毋爲忠臣夫以孔明基
鼎足之勢君臣輯睦志則可爲也仁傑

樹挾日之功奸后陰詭誠猶可動也李
忠定公伯紀靖康建炎之際殆又甚難
者宋文治百七十年陽德弗剛郡邪交
扇朋黨倡而正人爲空宣和大水公以
起居卽極論消弭左官監當嗚呼謂小
臣獨憂天下事哉竟之金人入寇公決

策內禪獨任城守力戰而却金兵而罷
命下矣公再留金兵引去京師解嚴公
獨以再至爲憂力邀擊備禦至計而
宣撫命又下矣繼罷命又下安置命
又下金兵再入公再召未至而京城失
守二帝北狩公再相畢力脩攘任宗澤

張所傳亮爲必守中原之計而罷命又
下安置命又連下高宗遂如揚州奔鎮
江如臨安竟之航海如旋風飄梗益震
以搖嗚呼元夫鮮人爲國倚命者也金
至公相相則守金退公罷罷則不守夫
使始而不罷二帝不此狩再而不罷高

宗不南遷最後宣撫雖徵罷命尋下宋
終不競而王業偏安至革命而後已嗚
呼謂獨繫安危有公爲烈者哉公孤忠
大節血誠危論動天地泣鬼神日月爲
之無光至今讀之猶嚼齒填膺一字一
淚當時和議誤國者何情哉是集故有

福國正獻公徽國文公先生之序侍御
胡君士寧祖尚風烈復梓以傳後僭序
所不究用于公者致餘臆焉嗚呼無亦
數然耶歲正德丙子冬孟三日清曉學
林俊書于雲庄青野



